

LATIHAN 2 Kita Umpama Sehelai Daun

Baca bahan di bawah dengan telitinya dan jawab soalan-soalan yang berikutnya.

Soalan 1 – 5 berdasarkan bahan di bawah.

KITA UMPAMA SEHELAI DAUN

- | | | | |
|---|--|--|--|
| 1 | kita umpama sehelai daun
bertunas segar di hujung ranting
lalu melebar dan merimbun
tempat bercanda unggas meriang
di bawah redup bebayang mentari | 4 | jadilah sehelai daun
hijau menunas menyegar mata
kering gugur menjadi baja |
| 2 | andai kikir jasa dan bakti
di mana lagi tempat bernaung
dari tusukan bahang memijar
unggas kecil <i>tidak berkudrat</i> | SMAHADZIR
Daripada Antologi <i>Kuingin Berterima</i>
<i>Kasih</i> , Tingkatan 1, Kementerian
Pendidikan Malaysia | |
| 3 | kita umpama sehelai daun
bakal kering sampai waktunya
usahlah angkuh keupayaan diri
sehingga lupa makhluk duafa
ingin bernaung mencari hidup | | |

1. Maksud rangkai kata *tidak berkudrat* dalam sajak tersebut ialah
 - A tidak mampu untuk berdikari.
 - B tidak lagi memerlukan pertolongan.
 - C tiada daya untuk melindungi diri sendiri.
 - D tiada daya untuk menyelamatkan nyawa.
2. Yang berikut merupakan nilai murni yang terdapat dalam sajak **kecuali**
 - A nilai keadilan.
 - B nilai hemah tinggi.
 - C nilai keprihatinan.
 - D nilai kesederhanaan.
3. Baris ayat yang menggunakan unsur keindahan bahasa personifikasi ialah
 - A jadilah sehelai daun.
 - B kita umpama sehelai daun.
 - C dari tusukan bahang memijar.
 - D tempat bercanda unggas meriang.
4. Apakah nada sajak ini?
 - A Romantis
 - B Melankolik
 - C Sinis
 - D Protes
5. Yang berikut ialah kesan kepada flora dan fauna akibat kerakusan manusia **kecuali**
 - A kehidupan flora dan fauna terancam kerana kehilangan habitat untuk membiak.
 - B beberapa spesies tumbuhan dan haiwan akan pupus.
 - C kawasan cerun bukit akan menjadi gondol dan terdedah kepada hakisan.
 - D flora dan fauna akan berpindah ke kawasan baharu.